

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI

Služba za upravu društvenih djelatnosti,
pitanja boraca i opću upravu



Broj: 04-04-1459/24
Dana; 03.07.2024. godine

STRUČNA SLUŽBA GRADONAČENIKA

- ovdje -


PREDMET: Prijedlog Odluke o oglašavanju upražnjenih pozicija predsjednika i članova
Upravnog odbora Javne ustanove „Dom zdravlja“ Zavidovići,
dostavlja se

U prilogu akta dostavljamo Vam

- Prijedlog Odluke o oglašavanju upražnjenih pozicija predsjednika i članova Upravnog odbora Javne ustanove „Dom zdravlja“ Zavidovići,
- prijedlog rješenja o privremenom imenovanju Upravnog odbora Javne ustanove „Dom zdravlja“ Zavidovići i
- prijedlog rješenja o imenovanju Komisije za izbor na upražnjene pozicije predsjednika i člana u Upravnom odboru Javne ustanove „Dom zdravlja“ Zavidovići.

S poštovanjem,

Dostavljeno:
1. Naslovu,
2. a/a



POMOĆNIK GRADONAČELNIKA

Alihodžić
Idriz Alihodžić, prof

Obradila: Nadina Mehinagić, dipl.pravnik

Grad Zavidovići, Ulica Safvet-bega Bašagića broj 9, 72220 Zavidovići
Telefon: 032/206-780 info, fax: 032/206-706, www.zavidovici.ba, grad.zavidovici@zavidovici.ba, opzdici@bih.net.ba





Broj:
Datum:

Na osnovu člana 4. stav 2. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), člana 3. Odluke o standardima i kriterijima za imenovanje u Upravni odbor Javne ustanove „Dom zdravlja“ Zavidovići („Službeni glasnik Općine Zavidovići“, broj: 4/2012, 2/2015, 5/2020, 6/2024) i člana 10. Privremene Statutarne odluke Grada Zavidovići („Službeni glasnik Općine Zavidovići“, broj: 4/2022), Gradsko Vijeće Zavidovići, na svojoj ___ sjednici, održanoj dana _____ 2024. godine, donosi:

RJEŠENJE

o privremenom imenovanju Upravnog odbora Javne ustanove
„Dom zdravlja“ Zavidovići

I

Do okončanja postupka izbora predsjednika i članova Upravnog odbora Javne ustanove „Dom zdravlja“ Zavidovići, kojim će se izvršiti konačno imenovanje na način, po postupku i uz poštovanje i primjenu principa propisanih Zakonom o ministarskim, vladinim i drugim imenovanjima Federacije Bosne i Hercegovine, privremeno se imenuju, a najduže na period do 3 (tri) mjeseca, za predsjednika i članova Upravnog odbora Javne ustanove „Dom zdravlja“ Zavidovići:

1. Elvir Mehić, dipl.pravnik - za predsjednika Upravnog odbora Javne ustanove „Dom zdravlja“ Zavidovići ispred osnivača,
2. Osmić dr. Vahidin, spec. neuropsihijatar - za člana Upravnog odbora Javne ustanove „Dom zdravlja“ Zavidovići ispred stručnih radnika zdravstvene ustanove.

II

Rješenje stupa na snagu danom donošenja, a primjenjuje se od 01.10.2024.godine i bit će objavljeno u „Službenom glasniku Grada Zavidovići“.

PREDSJEDAVAJUĆI
GRADSKOG VIJEĆA
Admir Fojnica, prof.

O b r a z l o Ź e n j e

PRAVNI OSNOV:

Pravni osnov za donošenje rješenja o privremenom imenovanju Upravnog odbora Javne ustanove „Dom zdravlja“ Zavidovići sadržan je u :

- članu 4. stav 2. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), kojim je propisano:
„Nominacije/imenovanja na kraći period su nominacije ili imenovanja na najviše tri mjeseca koja se ne mogu ponoviti“.

- članu 3. Odluke o Standardima i kriterijima za imenovanje u Upravni odbor Javne ustanove „Dom zdravlja „ Zavidovići („Službeni glasnik općine Zavidovići“, broj: 4/2012 , 2/2015, 5/2020, 6/2024), kojim je propisano:
“ Predsjednika i članove upravnog odbora imenuje i razrješava Gradsko vijeće na prijedlog Općinskog načelnika“.

RAZLOZI DONOŠENJA:

Dana 07.06.2024.godine Služba za upravu društvenih djelatnosti, pitanja boraca i opću upravu Grada Zavidovići, aktom, broj:02-04-1239/24-AP-3 obavijestila je Gradonačelnika Grada Zavidovići da aktuelnom sazivu Upravnog odbora Javne ustanove „Dom zdravlja“ Zavidovići dana 30.09.2024.godine ističe mandat, te da zbog potrebe donošenja Odluke o izmjenama i dopunama Odluke o standardima i kriterijima za imenovanje u Upravni odbor Javne ustanove „Dom zdravlja“ Zavidovići nije moguće izvršiti blagovremeno imenovanje novog Upravnog odbora.

Navedenim dopisom, Služba za upravu društvenih djelatnosti, pitanja boraca i opću upravu Grada Zavidovići dala je prijedlog Gradonačelniku Grada Zavidovići da se imenuje privremeni Upravni odbor na period do najduže tri mjeseca od dana imenovanja, odnosno do okončanja postupka konačnog izbora i imenovanje Upravnog odbora, u zavisnosti koji se datum prije ostvari.

Služba je dana 06.06.2024.godine dostavila Obavijest (akt, broj: 04-45-15/24-AP-154) i Ministarstvu zdravstva Zeničko-dobojskog kantona o isteku mandata predsjedniku i članovima Upravnog odbora JU „Dom zdravlja“ Zavidovići, te istim aktom upoznala Ministarstvo o poduzetim aktivnostima na pripremi Odluke o izmjenama i dopuna Odluke o standardima i kriterijima za imenovanje u Upravni odbor Javne ustanove „Dom zdravlja“ Zavidovići, te ujedno zatražila saglasnost Ministarstva na privremeno imenovanje trenutnog člana Upravnog odbora JU „Dom zdravlja“ Zavidovići ispred Ministarstva na period do najduže tri mjeseca od dana imenovanja, odnosno do okončanja postupka konačnog izbora i imenovanje Upravnog odbora, u zavisnosti koji se datum prije ostvari.

Do 03.07.2024.godine Ministarstvo zdravstva Zeničko-dobojskog kantona nije dostavilo akt/saglasnost za privremeno imenovanje člana Upravnog odbora JU „Dom zdravlja“ Zavidovići ispred njihovog Ministarstva na traženi period. U skladu sa navedenim, Gradonačelnik Grada Zavidovići daje Gradskom vijeću Zavidovići prijedlog o donošenju rješenja o privremenom imenovanju Upravnog odbora Javne ustanove „Dom zdravlja“ Zavidovići ispred osnivača i ispred stručnih radnika zdravstvene ustanove.

GRADONAČELNIK
doc.dr.Hašim Mujanović